

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XXIV.

[urn:nbn:de:bsz:31-122751](#)

XXIV.

S. In Domino. Rogatus sum, clarissime vir, ab amicis honesti adolescentis, Georgii Tromeri Austriaci, ut ipsi ad Academiam vestram prefecturo commendatione mea adesse velim: Quod officii genus ego nec illi, nec amicis, optimè in hac Republica de me meritis, denegare potui. Fretus ergo tua singulari humanitate tibi hunc adolescentem ea, qua possum, diligentia commendō, & rogo, ut ipsum auxilio & consilio tuo juvare velis, maximè ipsius studia promovere. Quanquam enim ætas matura & statura sit benè longa, tamen videtur in primis principiis horribiliter neglectus. Plura in ipsius commendationem non scribam, ne videar de candore tuo erga me dubitare.

Est autem hic adolescentis nepos ex sorore Clarissimi viri, D. Kirchschlageri, qui in aula Imperatoria inter præcipuos numeratur, quiq; uxorem ex præstansissima Patriciorum apud nos, Breßlerorum scilicet, familia duxit.

Katiusq; controversiae cum Zancho tibi & tuis opto talem, qualem heri sum expeditus in causa Willingi: Is enim cum integro biennio constanter una nobiscum veram de cœna sententiam proposuisset, tandem, nescio quo fato, seu potius innata & superbia & inconstititia claudicare cœpit: Quapropter à Senatu nostro statim dimissus, & conciones ipsi sunt interdictæ. Benè & feliciter vale. Et hæc, quæ scripsi raptim, boni consule. Uxorem tuam honestissimam meo, & meæ nomine officiose salutabis. Ulmæ, 12. Julii Anno 61.

T. humanitatis studiosissimus

Rabus, D.

XXV.

S. Qui tibi has reddit literas, Farellus frater, historiam partim luctuosissimam, partim etiam lætissimam nunciabit, Vir ornatissime. Certè nihil simile nostra memoria contigisse puto, referuntque prorsus res gestæ, avita herorum Israëliticorum miracula, dignæ prorsus, quæ ab egregio aliquo scriptore posteris commendarentur. Meriti autem sanè sunt, merenturque fortissimi & integerrimi fratres, quorum aliqua ratio à piis & charitatis zælo feruentibus habeatur. Quod te pro tua autoritate consuetaque sedulitate pietateque studiosè curaturum non dubitamus. Non ignoro sanè, hoc genus postulationum odiosum esse, nec injuria suspecta habetur quorundam erronum fides, à quibus non raro decepti, beneficentiam, quod ipsos attinet, perdimus; sed hic nihil esse ejusmodi, præter Genevensis Republicæ testimonium publicum, etiam alii aliquot ad me cordati fratres literis testati sunt, incorruptam esse viri optimi fidem. Accedit & ipse Farellus, venerandus senex, qui pietatis